



Kerneier Lyrik

Seite 1

Umgebung

Ums Darf rum... von Elisabeth Keller

Schee war unsr Darf do glege,
Rei' gfiehrt henn a paar Strooße un Wege.
Die Strooße vun Siwatz un Djulafal
Sin zammakumme beim Bothwert schun bal.
Wann vun Sambar jemand ins Darf hott rei' welle,
Hott v'rbei misse an dr Mariakapelle.
An dr Marwitzer Strooß war a Kreiz gstanne,
Do henn die Männr un die Buuwa dr Hut gluft,
Wann sie sin v'rbei g'fahre odr gange.
Un waare mool Fraue un Madle drbei,
Die henn gleich's Kreizmake oo'gfange.
Vum Tal is neewr dr Strooß dr großi Grawe gloffe,
Do drinn is awr bis heint niemand v'rsoffe.
In dr Tschinopler Strooß war allweil viel Staab,
Un an dr Berg-Wei'gärte mit klooni Hitte,
Do hott'mr im Schatte schee kenne sitze.
Durch's Schachegässl is'mr g'fahre vun dr owre Wies,
Un is'mr kumme vun dr unre Wiese rei',
Hott'mr messe am Schinnerloch vorbei.
Is'mr awr iwer die Kälwerwad g'fahre,
Sin die Ross vum Zug v'rschrocke un glaafe.
Die Strooß vum Semse her, die war nie leer,
Do henn die kloone Zigeiner allweil g'pläärt.
So is'mr kumme uff Kernei vun alli Seit,
Des war noch a Freid un a ruhichi Zeit!

Um Kernei rum... von Peter Gärtner

Um Kernei rum waare ko hochi Berge
Un a ko griini Wälldr,
Awr scheeni un großi
Frucht- un Kukruzfeldr.
Un des war b'stimmt viel Wert,
Vielleicht s'wertvollschti uff dr Erd.
Vun dr Frucht hem'mr ghatt s'täglichi Brot,
Vum Kukruz far die Sei dr Schroot.
Mit am Geld vun dr Sei un dr Ruwe,
Hott'mr Gwand g'kaaft
Far die Madle un Buuwe.
Far's Gwand hott dr schenschti-



Kerneier Lyrik

Seite 2

Umgebung

Un teirschti Stoff misse her,
Wie Lischte, Atlas, Seide un Kaschmeer,
Des is noch lang ko Sind un Schand,
Wa'mr großr Wert legt uff scheenes Gwand.
Welles Buuweherz hott nett im Leib glacht,
Wann'r a Madl gsehge hott in Kerneier Tracht?
Schee un sauwr oo'g'zooge,
War bei uns ko Hoffart,
Awr echti Kerneier Eigenart.

In Kernei un drumrum... von Peter Gärtner

Unsr Darf war in dr Batschka,
Neewr dr hiwlich Teletschka.
Weit, weit hott'mr misse geh',
Bis'mr soo a scheenes Darf hott gseh'.
Die Gasse waare lang un braat,
Die meischte a noch kerzegraat.

Die Heisr waare schneeweiß gwest
Un var am Geewl waare Maulbeerbeem gsetzt.
Jedes Haus hott a großr Garte.
Die Kinnr henn's kaum kenne erwaarte,
Bis's Obscht als zeitich war
Un die sieße Trauwe im Sbootjahr.

Im Votrhof war a Gärtl mit Streiß,
Rooti, blooi, tal waare weiß.
Mitte drin, odr dr neewe,
War a Rosestock odr a Stock Reewe.
Im mittre Darf war unsr Kerich,
Auswenzich war sie schee'
Un inwenzich herrlich.

Var dr Kerich war dr Artesibrunne,
Tag un Nacht is aus'm s'Wassr grunne.
Dr Pharre hott's gnumme zum Kinnrtaafe,
Die Wertsleit henn's in dr Wei' zum v'rkaafe.
Zwaa Kapelle hem'mr ghatt, ganz in dr Heeh,
Vun ganz weit hott'mr die schun kenne seeh'.
In jedi hem'mr ohmool im Jahr derfe nei',
An dr Rochus- un an dr Wendlini Kerweih.



Kerneier Lyrik

Seite 3

Umgebung

In manchem Eckhaus,
War a Gwelb odr a Wertshaus.
Bäckr, Fleischhackr un die Schmitte
Hott's aa gewe, die waare awr mehr in dr Mitte.
Dr Taalgrawe is kumme vun draus im Taal,
Durch Kernei is'r gloff, nunnr in dr Kanal.
S'Baad in Kernei un dr Fischeich,
Waare neewr am Darf gleich.
Un's ganzi Wassr, mr soll's nett glaawe,
War aus dem seichte Taalgraawe.

Zu jedem Hottr ging a Strooß,
Die waare far die Leit un die Ross.
Raatze Salesch hott's a gewe in dr Neeh,
Mr hott sie awr selte gseh.

Die raatze Weiwr sin schun kumme in dr Fruh,
Un henn uns Schoofkees g'brunge vun dr Kuh.
Wann sie dr Kees nett alli henn v'rkaafe,
Noot henn sie noch vun Haus zu Haus kenne laafe.
Also karzum:
In un um Kernei rum,
War alles, alles schee,
Dass'mr v'rjaagt sin warre, tut heint noch aarich weeh.

Die Teletschka... von Peter Gärtner

In dr mittlere Batschka,
War die hiwlich Teletschka,
Unsr Darf war gleich dr neewe,
An dr Abhäng waare Weingärte mit Beem un Reewe.

Unsr Toodi hem'mr drin v'graawe,
Freidhof hem'mr gsagt, mr solls nett glaawe.
Vum Kalfariberg in dr Hee,
Hott'mr iwrs ganze Darf kenne seh'.

Manch ohnr hott sich schun gfroogt im Leewe,
Warum is die Teletschka hiwlich un nett eewe?
Ganz nooch an dr Teletschka droo',
War di Landstrooß un die Eiseboo'.